



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

CCX. Der Bischof Ludwig genehmigt die Errichtung und Dotirung eines Altars in der Domkirche, am 8. Febr. 1334.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

CCX. Der Bischof Ludwig genehmigt die Errichtung und Dotirung eines Altars in der Domkirche, am 8. Febr. 1334.

Nos Ludewichus, dei gratia episcopus ecclesie Brandenburgensis, in hiis scriptis lucide recognoscimus, quod religiosus vir, dominus Thidericus Kotho, canonicus nostre ecclesie et plebanus veteris civitatis ibidem, Thile et Ghercke Kotho, fratres, patru sui, ac magister Petrus de Tangermunde, ipsorum avunculus, gloriosos decem milia milites speciali devotione venerari cupientes, ad ipsorum laudem et honorem suorumque progenitorum ac propriarum suarum animarum salutem, de nostri et honorabilis viri, domini Thiderici prepositi, Wilhelmi prioris, et capituli ecclesie nostre voluntate et consensu altare in nostra cathedrali ecclesia dotaverunt, eidem nomine dotis apponendo unum chorum filiginis in opido nostro Prytserwe et unum chorum ordei in villa nostra Bamme jacentes, quos dicti fratres a nobis in pheudum tenuerunt, quibusque pro se et suis heredibus perpetue renunciaverunt pro usibus dicte dotis; nec non duo talenta Brandenburgensis denariorum, jacentia super mansos ville Tzachowe, pertinentis ad prepositum et capitulum predictos dictaque usualiter precaria censualis, que duo talenta iidem fratres ab ipso preposito in pheudum tenuerunt, quibus similiter pro se et suis heredibus perpetue renunciaverunt ad usum dotis altaris supra dicti. Sane dictus dominus Thidericus Kotho, patru sui et eorum heredes ac prefatus magister Petrus simul, quamdiu vixerint, aut unus et plures ipsorum post obitum aliorum, qui et quamdiu superstitis fuerint, de consensu prepositi ecclesie nostre conferent duobus canonicis dicte ecclesie nostre altare supra dictum, qui super eo singulis septimanis legent tres missas tempore congruenti et tres alias pro defunctis. Post decessum vero predictorum collatio ipsius altaris ad prepositum ecclesie nostre perpetue permanebit. Ceterum dicti prepositus, prior et capitulum prefatum magistrum Petrum in suum confratrem et dominam Margaretam matrem dicti Gerkini, in suam sororem specialem receperunt, ipsis concedentes tam in vita quam in morte participationem vigiliarum, orationum, jejuniorum, castigationum ceterarumque omnium bonorum, que per ipsos et suos successores operari dignabitur clementia salvatoris. Nos igitur, omnia et singula supradicta grata et rata habentes, ea auctoritate ordinaria in dei nomine confirmamus, proprietatem nichilominus dictorum duorum chororum, que ad mensam nostram episcopalem spectabant, dantes ad dictum altare, de consensu prepositi et capituli predictorum. Dictus etiam prepositus, prior et capitulum proprietatem dictorum duorum talentorum ad se pertinere de nostro consensu ad supradictum altare donaverunt. In quorum omnium et singulorum testimonium nostrum sigillum presentibus est appensum. Et nos Thidericus, dei gratia prepositus, Wilhelmus prior et capitulum ecclesie Brandenburgensis predicta in evidentiam omnium et singulorum predictorum duximus nostra sigilla hiis literis appendenda. Datum Brandenburg, anno domini M^o. CCC^o. XXXIII^o. in die beati Dionysii martyris.

Nach dem Original.

Ann. Damit stimmt überein die Inschrift in der Domkirche auf der Südseite, in der fünften Arkade, rechts: Anno domini MCCCXXXIII ipso die Dionysii episcopi et sociorum ejus martyrum consecratum est hoc altare in honorem decem milium militum per reverendum in Christo patrem et dominum dominum Ludovicum, episcopum hujus ecclesie, fundatum et dotatum per venerabilem dominum Theodoricum Kothen, tunc veteris civitatis plebanum et postea factum episcopum et per Tylonem et Gerardum, patruos suos, et magistrum Petrum de Tangermunde, ipsorum avunculum, nec non per dominum Bartholomeum Laurencii, hujus ecclesie canonicum,